

王培孫 · 楊模 · 張鶴齡

周邦道

當代教育先進傳之十三

王培孫 (1871-1952)

王植善，字培孫，晚歲以字行，江蘇上海人。一八七一年清同治十年辛未十月初十日生。少就外傳，光緒十九年癸巳，入邑庠。二十三年丁酉，張之洞督兩湖，創武備學堂於武昌，鈕惕生邀同志赴考，乃偕陳景韓、雷繼興西上。尋以習性不合，未及試而退。後謁錢念劬，謂自強學堂即開辦，遂留武漢守候，而考期杳然。適報載上海南洋公學，招考師範班，立返棹東下。比至，考期正屆，急赴試場，皆已入闈。請之監試，陡然述向學之忱，特允入試。然雖獲雋，而困於資，總務何梅生憐之，委事齋務，藉津貼自給，始得竟其所業。

庚子之變，海內騷騷。叔父柳生，以所辦育材書塾授培孫，生平辦學，從此發軔。乃就上海大東門王氏宗祠省園，建樓屋七楹，力謀擴充。與唐才常、蔡鐸時過從。未幾，偕務本女學校校長吳懷次，同赴日考察教育。三十年，南洋公學已改郵傳部高等學堂，取示木本水源之義，便毅然將育材改為南洋中學。宣統元年己酉，購地於龍華路之曰暉橋。校舍落成，遷至新址。厥後，逐年擴建，學額驟增，並變更組織，改訂課程。聘秦汾、丁文江、葉達前、胡敦復等，分任教務。督導學生，注重科學，予以養成堅毅樸厚之學風。民國初年，地方志乘，未為時尚，售價極廉，培孫賃居於織呢廠街，廣收方志，精於鑒別抉擇。爾後南洋中學圖書館，方志獨多，蓋緣於此。薈萃四十年家中所收存，友好所贈送，及設利川書店時常收購故家藏書；圖書館規模，並時滬校，望塵莫及也。

民國五年，夫人沈竹書以肝癌逝世後，無復家室之念，益專心南洋中學事業。有時，身兼教務、訓育、校醫。訓導一以德化為主。學生患病，必親臨診視。重則立延醫，或住入己寓，調護周至。清寒子弟，策勵尤不遺餘力。八年，忽嬰目疾，致一目失明。於是頓悟人生無常，游心法界，沈潛釋典。積年所聚經藏，過於叢林巨剎。是年，以各方捐款，翻造宿舍，建築工場，為學生實習之所。十年，添建宿舍。十一年，添辦南洋小學，旋又增設初中。十五年五月，圖書館與校友廳合建大廈落成；十九年，科學館復竣工；二十二年，操場拓校園成。學生藏修息游於此，培孫輒顧而樂之。

州木瀆靈巖山五龍第一公墓。壬辰冬，在臺弟子，方將規復校友會，而凶問適至。既設位以祭，相繼而哭；會議籌募學基金，並影印箋註南來堂詩集，以繼師志。四十四年八月，是集始成事行世。

培孫早歲以東南士望，毀家興學，五十寒暑盡瘁於一中學。其志一，其神凝。垂老皈依佛門，戒地堅，脚跟實，一切世智，胥自般若智海中流出。其門人陳彝，音游燕京，偶於某公座上，論國內教育家。有客起言：「上海南洋中學王先生，真天下奇士也！辦學不為學校求立案，不為學校謀資助，并不顧大總統一獎額。」此殆培孫之清介風節，亦培孫之教育特殊精神歟！

（本陳彝：王培孫先生傳，程滄波：重印南來堂詩集序。）

楊模 (1852-1915)

楊模，字範甫，江蘇無錫人。一八五二年清咸豐二年壬子生。父春池，海寧州知州。昆季六，模居仲，與弟楷，同儕梁溪七子列，為南菁書院高材生。光緒十一年乙酉拔貢，二十年甲午舉人。時直隸總督李鴻章創設天津武備學堂，模任教授，刪訂書史逾千卷。旋入鄂督張之洞幕，襄辦自強學堂，編譯海外書籍。明年，晉撫胡聘之延充山右武備學監督兼總教習。慮拳亂將作，南歸。戊戌春，創設煥實學堂，聘華蘅芳為算學總教習，蔣士棟、士榮副之，許士熊任英文、秦寶任國文，皆一時之選也。

初，無錫知名士吳敬恆、俞復、丁寶書、孫

揆均、杜嗣程、高翔等捐資興學，擇崇安寺前殿，仿天津二等學堂制，降一級，辦三等學堂。規制同高小，程度則遠過之。顧家多貧，捐款微，且竭蹶赴，敬恆獨慨解身上衣，立質二百金，並赴滬組織文明書局，負販時務書。敬恆、揆均以地方師資缺乏，前曾赴日，與東京高等師範校長嘉納治五郎，磋商添設中國普通師範。公使汪大燮電清廷已獲允，名曰宏文師範學院。至是，復率學生數十東渡，而以額滿見屏。商諸公使，不許，留日學生第一次風潮，陡然激起。敬恆、揆均、咸被逐，投海獲救。守舊者，乘間控附設於煥實之勵志會，故煥實幾受累。

模環顧無可恃者，遂孑身赴日本，考察學務。時光緒二十七年辛丑春日也。閱半載歸，管學大臣張百熙聘為京師大學堂歷史地理教習。癸卯，江督劉坤一舉試經濟特科，煥實以開辦早，成績優，得旨嘉獎。疆吏聞風嚮往。因復遊漢泉，謁之洞，充諮議局議員，學務處專門科主任，漢黃德道師範學堂及女子高等學堂監督，抱負因得以稍展焉。

明歲，煥實迭以經費支絀告，模亟返里籌措，於是注意米釐輸入之廟捐百二十家，歲可得萬緡。北塘米董趙夔，乘機出反抗，誣以藉學斂錢，模不獲已，訴學院。而米肆惡少，聚眾鼓噪，貧民亦蠢然動，椎髻短衣，執巨梃薄楊宅，廳事付之一炬。模微服，雇小舟東渡，脫險之蘇。翌日上午，竟毀煥實課堂齋舍儀器標本及藏書樓。三等公學、東林學堂、錫金公學，亦遭蹂躪。衆廣集楊宅，復縱火，全宅盡焚。無錫、金匱兩令

，熟視無親。時三十年甲辰七月初三日也。

適端方號午橋撫蘇，與模最契。得兩令電，覆詞微咎模。旋飭密緝米業禍首八人，學堂損失，責兩令賠修，始大驚愕。八人遠遁，願罰金自贖，償楊宅所損失。定米捐助學，著為例。模遂入都，蒞學部，編纂各種教授課本，主大學文、法兩科講席。著述隆富，令譽遠聞。是年冬，煥實恢復，邑人侯鴻鑑主其事。三十一年乙巳，與東林同為錫金官立小學，給公費。模適自京歸，召諸生而告之曰：「今日一堂，絃誦如舊時，殆有天幸。吾為興學而毀室，幾至戕身，吾無所悔。惟望諸生益精進，勿辜負此虎口餘生也。今學堂基礎既固，自無待我矣。」遂堅辭經董職，隱於家。民國四年乙卯正月卒，年六十有四。著有塾齋文存四卷行世。

（本李法章：「梁溪旅稿」中楊範甫先生毀家興學事蹟——民國二十五年阮真教授至其家鈔示。）

張鶴齡 (1867-1908)

張鶴齡，字筱圃，江蘇陽湖（今併武進）人。生於一八六七年清同治六年丁卯。光緒十五年己丑舉人，壬辰進士，改庶吉士，散館用主事，分戶部。管學大臣張百熙奏派為京師大學堂總教習，於章制多所規畫。旋以道員需次湖南，先後署理糧儲道按察使，總辦全省學務處，歷佐巡撫趙爾巽、陸元鼎、端方、龐鴻書興學，斐然有成。於民立學校，尤力予扶持。又主遣學生留學，建議當局，奏設湘省游學豫備科，分別以英、法

、日語文教授，而躬任監督，造就甚宏。

三十二年丙午，以辦學有聲，擢奉天省提學使。時奉天甫經戰禍，外軍屢處，興學維艱。且風氣蔽塞，有所設施，每遭扞格。鶴齡持節財紓困，漸進務實之旨，權度緩急，剖析利弊。首繫全省教育綱領，立教育總會於瀋陽，設勸學所於各屬，飭舉正紳為學董。其才品卓越者，假以事權，俾盡其器；而於振拔士氣，培養學風，特所著重。籌辦各級學校，自中小學以及女子師範、保姆傳習所、蒙養院等咸備。擴充兩級師範，加設課程，增添名額，以備養師資。復設圖書館，蒐藏羣籍，嘉惠多士。而尤重視小學教育：頒籌鄉學及學董辦事簡章，設各路模範小學，改良私塾，嚴甄教師；各屬小學，以是日趨發達焉。

蒞官兩載，以三十四年戊申，卒於任所，年僅四十有二。奉天饗舍初僅數十，至是諸州縣立學至千餘。徐世昌時為東三省總督，奏其勳績，有「綜核學務，歛省事舉」之語。蓋鶴齡善事綜核，歛不虛糜，整頓釐剔，周洽情實，故多所施展也。譚延闓為作墓誌銘，亦曰：「立學以來，天下言賢學使，皆曰，張公、張公。」稱許所加，允昭公論。生平廉介自持，取予不苟，比卒，賴賻贈歸喪。奉人感其德政，以教育總會名義立碑紀念，用垂久遠云。

(本江怡：張筱圃先生事略。)

訂閱中外雜誌購買中外文庫及購買合訂本請將書款交存附近郵局劃撥一四〇四四帳戶，或寄郵票交台北市新生南路三段七號之二或撥電話七〇七二四八〇，即可收到書刊。

中外文庫 第四種 還俗記

定價伍拾元 請速購閱

增訂再版 鈕先銘著

名作家鈕先銘先生多姿多采的一生中，有一段最難忘的經歷，最離奇的際遇，那便是他曾一度出過家，當了和尚，然後又名正言順的還了俗。這一段曲折離奇的經歷，刻已由鈕先生撰成「還俗記」。還俗記具傳記的真實性，有小說的傳奇色彩，確是一本百讀不厭，值得鄭重推薦的好書。

請寄郵票或將書款交存郵政劃撥帳戶一四〇四四號中外雜誌社，立即寄書。

同光風雲錄

邵鏡人著
定價肆拾元

本書記述清代同光兩朝人物，始自曾國藩，殿以袁世凱，共錄曾國藩、胡林翼、左宗棠、駱秉章、沈葆楨、彭玉麟、李鴻章、鮑超、曾國荃、郭嵩壽、曾紀澤、張曜、蔣益澧、陳國瑞、程學啟、劉銘傳、岑毓英、張樹聲、郭松林、聶士成、吳棠、劉坤一、劉永福、馮子材、唐景崧、端方、李慈銘、洪鈞、張佩綸、張之洞、袁昶、翁同龢、陳寶箴、黃遵憲、譚嗣同、唐才常、秋瑾、丘逢甲、容闈、楊守敬、于式枚、梁鼎芬、詹天佑、王闈運、康有為、梁啟超、章炳麟、林紓、嚴復、陳衍、辜鴻銘、鄭孝胥、樊增祥、易順鼎、陳漢章、蘇玄瑛、劉師培、黃侃、趙熙、朱祖謀、王國維、吳梅、楊圻、張謇、袁世凱等七十五人功過成敗及軼聞趣事，內容精彩，篇篇可讀，定價肆拾元請將書款交郵撥一四〇四四號中外雜誌社。